

Exposicion di cuadro di alumno

Alumnonan di sr. King Lie Kwie ta cera e aña escolar cu un exposicion di cuadro na biblioteca. Nan ta presenta nan obranan cu nan a traha riba durante ultimo lunanan. Un total di 28 alumno ta sigui curso cerca docente sr. King Lie Kwie. E exposicion ta habri dia 19 di juni y ta keda habri te cu dia 26 di juni.

Mayoria alumno a traha cu acrilico y tambe tin obra Mixed media, cu diferente material. Sr. King Lie Kwie ta un artista visual y tin hopi aña ta duna les via FDEC. Despues cu FDEC a cera King a sigui guia su alumnonan na otro localidad na Oranjestad y San Nicolas. Muchanan ta haya guia individual den nan proceso creativo. Temanan ta liber.

Biblioteca Nacional Aruba tin diferente obra di King Lie Kwie den su coleccion, King ta conoci pa su cuadranan



cu temanan di critica social. Personanan interesa pa sigui les di pintamento cerca King Lie Kwie por yama 745 5987. E exposicion ta habri pa un y tur durante orario di biblioteca na Playa.

Biblioteca ta ofrece diferente sala caminda entre otro por pone exposicion, duna pre-

sentacion, curso of organisa actividad di indole no comercial. Cu mucho gusto biblioteca ta facilita exposicion di arte, obra di man, coleccionnan special of informacion di temanan interesante. Asina ta trata di ofrece na un publico grandi actividadnan atractivo, interesante, di temanan actual y cada bes algo nobo.